

اتوار 3 اگست، 2025

مضمون۔ پیار

سنہری متن: گلتیوں 6 باب 2 آیت

”تسی اک دو جے دا بھار چکو، تے اینج مسیح دی شریعت نوں پورا کرو۔“

جوابی پڑھائی: 1 پطرس 4 باب 8 توں 11 آیت

8۔ سب توں ودھ کے ایہہ اے پئی آپس وچ بڑا پیار رکھو کیوں جے پیار بوہت سارے پاپاں اُتے پردہ پادیندا اے۔

9۔ بغیر بڑ بڑکیتے آپس وچ مسافر پروری کرو۔

10۔ جنہاں نوں جنی جنی نعمت ملی اے اوہ اوہنوں رب دیاں وکھریاں وکھریاں نعمتاں دے چنگے مختاراں وانگرا اک دو جے دی خدمت لئی ورتن۔

11۔ جے کوئی کجھ آکھے تے اینج دا آکھے جیویں رب دا کلام اے۔ جے کوئی خدمت کرے تے اوس طاقت دے مطابق کرے جیہڑی رب دیندا اے تاں جو ساریاں گلاں وچ یسوع مسیح دے راہیں رب دا جلال ظاہر ہووے۔ جلال تے بادشاہی ہمیشہ تنیکر اوہدے ای نیں۔ آمین۔

درسی وعظ

بائبل وچوں

1- فلیپیوں 2 باب 3، 4 آیت

- 3- فرقے بازیاں تے کھوکھلی آکر دے پاروں کجھ نہ کرو بلکہ فروتنی نال تے اک دوجے نوں اپنے توں چنگا سمجھو۔
4- ہر کوئی اپنے حالاں اُتے ای نہیں بلکہ اک دوجے دے حالاں اُتے وی نظر رکھے۔

2- یسعیاہ 54 باب 2 آیت

- 2- اپنی خیمہ گاہ نوں کھلا کر دے تے اپنے مسکناں دے پردے پھلا دے۔ دریغ نہ کر۔ اپنیاں ڈوریاں لمیاں تے اپنیاں میخاں مضبوط کر۔

3- روت 1 باب 1 (تے اک)، 2 (توں تیجی)، 3 توں 6، 8، 14 (تے عرفہ)، 16، 18، 22 آیتاں

- 1- تے ایسناں دنال وچ ای جد قاضی انصاف کر دے ہندے سی اتیج ہو نیا پئی ایس دھرتی اُتے کال پے گیا تے یہوداہ دے بیت لحم دا اک بندہ اپنی بُڈھی تے دوپتراں نوں لے کے ٹریا پئی موآب دے ملک وچ جا کے وسے۔

2۔ ایس بندے دانائیں الیملک تے اوہدی بڈھی دانائیں نعومی سی تے اوہدے دونواں پتراں دے نال محلون تے کلیون سی۔

3۔ تے نعومی دا بندہ الیملک مر گیا۔ ایس طراں بس اوہ تے اوہدے دونویں پتر باقی رہ گئے۔

4۔ ایہناں دونواں نے اک اک موآبی عورت ویاہ لئی۔ ایہناں وچوں اک دانائیں عرفہ تے دوجی دانائیں روت سی۔ تے اوہ اوہدے قریب قریب دس ورھے رہندے رہے۔

5۔ تے محلون تے کلیون دونویں مر گئے۔ ایس طراں اوہ بڈھی اپنے دونواں پتراں تے اپنے بندے توں چھٹ گئی۔

6۔ تداوہ اپنیاں دونواں نوواں نوں لے کے اٹھی پئی موآب دے ملک نوں پرت جاوے ایس لئی پئی اوہنے موآب دے ملک وچ ایہہ حال سنیا پئی خداوند نے اپنے لوکاں نوں روٹی دتی تے ایہناں دی خبر لئی۔

8۔ تے نعومی نے اپنیاں دونواں نوواں نوں آکھیا پئی تسی دونویں اپنے اپنے پیکے ٹر جاو جیویں تسی مریاں نال کیتا تے جیویں میرے نال کیتا ونج ای رب تہاڈے نال مہر نال پیش آوے۔

14۔۔۔۔۔ تے عرفہ نے اپنی سس نوں چھیا پر روت اوہدے نال چھڑی رہئی۔

16۔ روت نے آکھیا تو منت نہ کر پئی میں تینوں جھڈ جانواں تے تیرے مگروں پرت جانواں کیوں جے جتھے توں جانویں گی میں جانواں گی تے جتھے توں رہویں گی میں وی رہواں گی تیرے لوکی میرے لوکی تے تیرا رب میرا رب اے۔

18۔ جداوہنے ویکھیا پئی اوہنے اوہدے نال جان دی ٹھان لئی اے تے اوہنوں ہور کجھ نہ آکھیا۔

22۔ غرض نعومی پرتی تے اوہدے نال اوہدی نوں موآبی روت جیہڑی موآب دے دیس وچوں سی ایہتھے آئی تے اوہ دونویں جوڈھن دے موسم وچ بیت اللحم وچ داخل ہوئیاں۔

4۔ روت 2 باب 2، 3، 8، 12، 17 (توں)، 20 (توں پہلی) آیتاں

- 2- ایس طراں موآبی روت نے نعوئی نوں آکھیا پئی مینوں اجازت دے تے میں پئی وچ جانواں تے جیہڑا کوئی میرے اُتے کرم دی نظر کرے میں اوہدے مگر مگر بالیاں چنگاں۔ اوہنے اوہنوں آکھیا جامیری دھیے۔
- 3- ایس لئی اوہ گئی تے کھیت وچ جا کے واڈھی کرن والیاں دے مگر جا کے بالیاں چنگن لگ پئی۔
- 8- تد بو عز نے روت نوں آکھیا اے میری دھیے! کیہ تینوں سُن دانسیں؟ توں دو جی پئی وچ بالیاں چنگن نہ جانویں تے نہ ایتھوں نکلیں بلکہ میریاں نوکراںیاں دے نال نال رہویں۔
- 9- اوس پئی اُتے جنہوں اوہ وڈھ دے نیں تیریاں اکھیاں جمیاں رہن تے توں ایہناں دے ای مگر مگر ٹریں۔ کیہ میں ایہناں جو انان نوں حکم نئیں دتا پئی اوہ تینوں ہتھ نہ لاؤن؟ تے جد تینوں ترے لگے تے پانڈھیاں دے کول جا کے اوسے پانی وچوں پی لویں جیہڑا میرے جو انان نے بھریا اے۔
- 10- تد اوہ منہ بھرنے ڈگی تے دھرتی اُتے سرسٹ کے اوہنوں آکھیا کیہ گل اے پئی توں میرے اُتے کرم دی نظر کر کے میری خبر لینا ایں جد کہ میں پردیسن آں؟
- 11- بو عز نے اوہنوں آکھیا جو کجھ توں اپنے بندے دے مرن توں بعد اپنی سس دے نال کیتا اوہ سب مینوں چنگی طراں پتا اے پئی توں کیویں اپنے ماں پیو تے اپنی دھرتی نوں چھڈیا تے ایہناں لوکاں وچ جنہاں نوں توں ایہدے توں پہلاں نہ جان دی سی آگئی۔
- 12- خداوند تیرے کم دابدلہ دیوے بلکہ خداوند اسرائیل دے رب ولوں جیدے پراں بیٹھاں توں پناہ لین آئی ایں تینوں پورا اجر ملے۔
- 17- ایس لئی اوہ شام تیکر کھیت چن دی رہی۔
- 20- نعوئی نے اپنی نوں نوں آکھیا اوہ خداوند ولوں برکت پاوے جسے جیوندیاں تے مویاں نال اپنی مہربانی باز نہ رکھی۔

5- روت 4 باب 13 توں 17 آیتاں

- 13- ایس لئی بو عز نے روت نوں لیا تے اوہ اوہدی بڈھی بنی تے اوہنے اوہدے نال خلوت کیتی تے خداوند دے فضل نال اوہ حاملہ ہوئی تے اوہدے پتر ہو گیا۔
- 14- تے بڈھیاں نے نعومی نوں آکھیا پئی خداوند دھن ہووے جسے اج دے دن تینوں نیڑے دے قرابتی دے بغیر نسیں چھڈیا تے اوہداناں اسرائیل وچ مشہور ہووے۔
- 15- تے اوہ تیرے لئی تیری جند نوں بحال کرن والا تے تیری وڈھیر عمری نوں پالن والا ہووے گا کیوں جے تیری نوں جیہڑی تیرے نال پیار کردی اے تے تیرے لئی ستاں پتراں توں وی ودھ کے اے اوہ اوہدی ماں اے۔
- 16- تے نعومی نے اوس منڈے نوں لے کے اپنی چھاتی نال لایا تے اوہدی دائی بنی۔
- 17- تے اوہدیاں گوانڈناں نے اوس بچے نوں اک ناں دتا تے آکھن لگے پئی نعومی لئی اک پتر پیدا ہو گیا ایس لئی اوہناں نے اوہداناں عوبید رکھیا اوہ لیبی داپیو سی جیہڑا داؤد داپیو اے۔

6- امثال 31 باب 10، 13، 17، 18، 20، 26، 27، 30 (اک)، 31 آیتاں

- 10- نیک بیوی کنہوں ملدی اے؟ کیوں جے اوہدی قدر مر جان توں وی بوہتی ہے۔
- 13- اوہ اُن تے کتان لبھدی اے تے خوشی نال اپنی ہتھیں کم کردی اے۔
- 17- اوہ مضبوطی نال اپنا لک نہ لیندی اے تے اپنیاں بانہواں نوں مضبوط کردی اے۔
- 18- اوہ اپنی سوداگری نوں فائدہ مند کردی اے۔ رات نوں اوہ دا دیواہ نسیں بُجھدا۔
- 20- اوہ غریباں ول اپنا ہتھ ودھاؤندی اے ہاں اوہ اپنے ہتھ متھا جاں ول ودھاؤندی اے۔
- 26- اوہدے مونہوں سیان دیاں گلاں نکلیاں نیں۔ اوہدی زبان اُتے شفقت دی تعلیم اے۔

- 27۔ اوہ اپنے گھرانے اُتے نظر رکھدی اے تے سُستی دی روٹی نہیں کھاندی۔
- 30۔۔۔ اوہ بُڈھی جیہڑی خداوند توں ڈردی اے خوش رہوے گی۔
- 31۔ اوہدی محنت دا پھل اوہنوں دیووتے اوہدے کماں پاروں محفل وچ اوہدی تعریف کرو۔

7۔ 1 پوحتا 3 باب 16، 18 آیتاں

- 16۔ اسی پیارنوں ایسے توں جانیا اے پئی اوہنے ساڈے واسطے اپنی جان دے دتی تے ساڈے اُتے وی بھرانواں واسطے جان دینا فرض اے۔
- 18۔ اے بچیو! اسی کلام تے زبان نال ای نہیں بلکہ کم تے سچائی دے راہیں وی پیار رکھئے۔

سائنس تے صحت

1۔ 30:568-3

اپنے آپ دی منسوخی، جیدے پاروں اسی غلطی دے نال اپنی جنگ وچ اپنا سب کجھ سچائی یا مسیح دے حوالے کر دینے آں، کر سچن سائنس دا اصول اے۔ ایہہ اصول وضاحت کردا اے رب دی الہی اصول دے طور تے یعنی حیاتی پیو دی پیش کردہ، سچائی دے طور تے پتر دی پیش کردہ، تے محبت دے طور تے ماں دی پیش کردہ۔

2- 24-17:454

شفاتے تعلیم دونواں وچ رب تے انسان نال پیار سچا پیار اے۔ پیار راہ نوں متاثر کردا، روشن کردا، چن داتے راہنمائی کردا اے۔ درست مقصد خیالاں نوں شہ دیندے، تے کلام تے اعمالاں نوں طاقت تے آزادی دیندے نیں۔ پیار سچائی دی الطار اُتے وڈھا نگہبان اے۔ فانی سیان دے پانیاں اُتے ٹرن تے کامل نظریہ بناؤن لئی صبر دے نال الہی پیار دی اڈیک کریئے۔ صبر نوں ”اپنا پورا کم کرنا چاہیدا اے۔“

3- 16-5:9

ہر دعادی پر کھ لیہناں سوالاں دے جواب وچ پائی جان دی اے: کیہ اسی اپنے گوانڈی نال ایس حکم دی بنا اُتے چنگا پیار کردے آں؟ بھانویں اسی ساڈی دعادے نال لگاتار حیاتی گزار دیاں ہوئے ساڈیاں التجاواں دی تابعداری داکوئی ثبوت فراہم نہیں کردے، تے کیہ اسی کسے چنگی شے لئی دعا کرن تے مطمئن ہو کے ساڈی پرانی خود غرضی دا پیچھا کردے آں؟ جے خود غرضی نے ہمدردی نوں تھان دے دتی اے، تے اسی اپنے گوانڈی دے نال بے غرضی نال سلوک رکھاں گے، تے اپنے لعنت کھلن والیاں لئی برکت چاہواں گے؛ پر اسی ایس وڈھے فرض تیکر صرف ایہہ منگن نال کدی نہیں اڑ سکدے پئی ایہہ بس ہو جاوے۔ ساڈے ایمان تے امید دے پھل دامزہ لین توں پہلاں ساہنوں اک سولی نوں چکناں پئے گا۔

4- 31-22:205

جدوں ساہنوں احساس ہندا اے پئی صرف اک ای سیان اے تے ساڈے گوانڈی دے نال اپنے وانگر پیار کرن والی قانون سامنے آؤندا اے؛ جد کہ بوہت سارے حکمران ذہناں دا اک عقیدہ کلی سیان، کُلے رب ول انسان دے معمولی جھکاؤ وچ رکاوٹ بن دا اے تے انسانی سوچ نوں اُلٹ راہ ول لے جاندا اے جتھے خود غرضی حکومت کردی اے۔

خود غرضی انسانی وجود دے ستون دی چنچھ غلطی ول پھیر دیندی اے نہ کہ سچیائی ول۔ سیان دی وحدانیت توں انکار ساڈا وزن روح، رب تے چنگلیائی دے پیمانے اُتے نئیں بلکہ مادے دے پیمانے اُتے پادیندا اے۔

5- 20-18:88

کسے بندے دا اپنے گوانڈی نال اپنے وانگر پیار کرنا لئی خیال اے؛ پر ایہہ خیال بدنی فہم دے پاروں کدی ویکھیا، محسوس کیتا تے نہ ای سمجھیا جاسکدا اے۔

6- 30-18:57

خوشی روحانی اے، جیہڑی سچیائی تے پیار توں پیدا ہندی اے۔ ایہہ بے غرض اے؛ ایس لئی ایہہ کلی موجود نئیں ہو سکدی، بلکہ ایہہ سارے انساناں وچ ونڈی جان دی شرط رکھدی اے۔

انسانی پیار بے فائدہ ای نئیں دتا جاندا، بھانویں ایہدے توں کجھ وی حاصل نہ ہووے۔ پیار فطرت نوں وسیع کردیاں ہوئے، پاک کردیاں ہوئے تے اُچا کردیاں ہوئے اوہنوں سجاؤندا اے۔ دھرتی اُتے جاڑے دے دھماکے پیار دے بھلاں نوں اکھاڑ سکدے نیں تے اوہناں نوں ہنیری وچ کھلا ر سکدے نیں، پر بدنی تعلقات دی ایہہ علیحدگی رب دے

نال ہو ر نیڑے ہوون دی سوچ نوں اکٹھا کر دی اے، کیوں جے پیار اوس ویلے تیکر جدوجہد کرن والے دل دی حمایت کردا اے جد تیکر اوہ دھرتی اُتے ساہ لینا نئیں چھڈ دیندا تے اسمان اُتے پرواز لئی اپنے پر کھولنا شروع نئیں کردا۔

7- 16-6:266

کیہ ذاتی یاراں دے بغیر وجودیت تہاڈے لئی اک خلا ہووے گا؟ تے فیر اک اوہ ویلہ وی آوے گا جد تسی کلم کارے، بغیر کسے دی ہمدردی دے چھڈ دتے جاؤ گے؛ پر ایہہ ظاہری خلا لئی پیار دے نال پہلاں ای بھر دتا گیا اے۔ جد ترقی دا ایہہ ویلہ آؤندا اے، تے بھانویں تسی ذاتی خوشیاں وچ لگے رہو، روحانی پیار تہانوں اوہ من اُتے مجبور کرے گا جو تہاڈی ترقی و دھاؤن لئی بوہت چنگا ہووے۔ یار دھو کہ دین گے تے ویری الزام لاؤن گے، جد تیکر پئی تہاڈی اچیان لئی سبق چنگا نئیں بن جاند؛ ”کیوں جے بندے دی انتہا رب لئی موقع ہندا اے۔“ لکھاری نے اُتے لکھی ہوئی پیشین گوئی تے ایس دیاں برکتاں دا تجربہ کیتا اے۔

8- 21-13:518

رب اپنے آپ دا تصور وڈھے دے نال اک رابطے لئی چھوٹے نوں دیندا اے، تے بدلے وچ، وڈھا ہمیشہ چھوٹے دی حفاظت کردا اے۔ روح دے امیر لوک وڈھی بھر ابندی وچ، اک اصول یا پیو دے راہیں، غریباں دی مدد کردے نیں تے دھن اے اوہ بندہ جیہڑا دوجے بندے دی بھلیائی وچ اپنی بھلیائی ویکھدا اے، اپنے بھرا دی لوڑ ویکھدا اے تے پوری کردا اے۔ پیار ماڑے روحانی خیال نوں طاقت، لافانیت تے بھلیائی دیندا اے جیہڑا ساریاں وچ ایخ ای چمکدا اے جیویں اک نویں ڈھوڈی ٹہنی اُتے چمکدی اے۔

9- 31-27:192

الہی مابعد الطبیعات دے فہم وچ اسی اپنے مالک دے نمونے مگر ٹردیاں ہوئے پیار تے سچائی دے پیراں اُتے ٹردے
آں۔ مسیحیت اصلی شفا دی نیوں اے۔ بے غرض پیار دے معاملے وچ انسان دی سوچ جو کجھ وی اپناؤندی اے اوہ الہی
قوت نوں سدھا حاصل کر لیندی اے۔

10- 31-17:138

یسوع نے مسیحی دور وچ ساری مسیحیت، الہیات تے شفا دی مثال قائم کیتی۔ مسیحی لوکی ہلے وی براہ راست ایہناں
حکماں دے بیٹھاں نیں، جیویں اوہ پہلاں سی، پئی مسیح ورگی روح دی ملکیت رکھنا، مسیح دے نمونے مگر ٹرناتے پیراں
دے نال نال پاپیاں نوں وی شفا دینا۔ مسیحیت لئی پاپ توں بوہتا بیماری نوں باہر کڈھنا سوکھا اے، کیوں جے بیمار لوکی
پیر توں دور ہون لئی چھیتی تیار ہو جانداں نیں بجائے کہ پاپی لوک پاپ، نام نہاد حساں دی لذت نوں چھڈن۔ کوئی
وی مسیحی ایس گل نوں چھیتی نال ثابت کر سکدا اے جیویں صدیاں پہلاں کیتا جاندا سی۔

ساڈے مالک نے اپنے ہر مگر ٹرن والے نوں آکھیا: ”دتی سارے جگ وچ جا کے ساری خلقت دے سامنے انجیل دی
منادی کرو!۔۔۔ بیماراں نوں شفا دیو!۔۔۔ اپنے گوانڈی نال اپنے وانگر پیار کرو!“ یسوع دی ایہہ اوہ ای الہیات اے
جنسے بیماراں تے پاپیاں نوں شفا دیتی۔

11- 21-15:571

ہر دور تے ہر حال وچ، بدی اُتے چنگیائی دے نال قابو پاؤو۔ اپنے آپ نوں جانو تے رب بدی اُتے فتح مندی لئی حکمت تے موقع دیوے گا۔ محبت دے لباس وچ ملبوس ہوو، تے انسانی نفرت تہاڈے تیکر نسیں اُپر سکدی۔ اُچی انسانیت دا سیمٹ سارے فائدیاں نوں اک الوہیت وچ جوڑ کے رکھے گا۔

12- 27-24:264

روحانی حیاتی تے برکت ای گلے ثبوت نیں جنہاں دے پاروں اسی اصلی وجودیت نوں پہچان سکدے تے بیان نہ کیتے جان والے سکون نوں محسوس کر دے آں جیہڑا سارا جذب کرن والے روحانی پیار توں نکلد اے۔

13- 16-9:467

ایس گل دی پوری طراں سمجھ آجانی چاہیدی اے پئی سارے انساناں دی سیان اک اے، اک رب تے پیو، اک حیاتی، سچائی تے پیار اے۔ جدوں ایہہ حقیقت اک تناسب وچ سامنے آوے گی تے انسان کامل ہو جاوے گا، جنگ مک جائے گی تے انساناں دی سچی بھرا بندی قائم ہو جائے گی۔ دو جے دیوتا نہ ہونا، دو جیاں ول جان دی بجائے اک کامل عقل ول جان دیاں ہوئے، انسان رب وانگر پاک تے ابدی ہو جاندا اے، جیدے کول اوہ ای سیان اے جیہڑی مسیح وچ وی سی۔

14- 18:266 (عالمگیر)۔ 19

عالمگیر پیار کر سچن سائنس وچ الہی راہ اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔